

ПРИЛОЖЕНИЕ

«Пыдди пуктана Николай Дмитриевич! Тi шыодчинныд Связь, юортан технологияс да юор сетом бӧрся федеральной дӧзьӧр нуӧдысь службалон Коми Республикаын веськӧдланӧ (водзӧ – Веськӧдланӧ), медым Тiянлы гӧгӧрвоӧдiсны йӧзӧс юортан средствояслысь уджсӧ ладмӧдӧм йылысь Россия Федерацияса ӧнiя оланпастэчаслысь нормаяссӧ. Шыӧдчӧмныд воис Веськӧдланӧ 2020 вося тӧвшӧр 9 лунӧ. Сiйӧс пасйӧма 01-49-9/11 № улын да видлалӧма нин.

«Россия Федерацияса гражданагысь шыӧдчӧмгяс видлалан пӧрадок йылысь» 2006 во ода-кора 2 лунся 59-ФЗ №-а Федеральной оланпаслӧн 5, 7, 10, 12 статьяяс вылӧ подуласьӧмӧн Веськӧдланӧ юортӧ со мый:

Ӧтуввезса сайтгяссӧ кыдзи йӧзӧс юортанторгяс пасйӧдӧны (регистрауйтӧны) налӧн кӧсйӧм серти. «Йӧзӧс юортан средствояс йылысь» 1991 во ӧшым 27 лунся 2124-1 №-а Россия Федерацияса Оланпаслӧн 8 статья серти (водзӧ – ЙӧОС йылысь оланпас) ӧтуввезса сайтсӧ позьӧ пасйӧдны кыдзи йӧзӧс юортантор (сетевой издание). Ӧтуввезса сайт, мый абу пасйӧдӧма кыдзи йӧзӧс юортантор, йӧзӧс юортанторйӧн оз ло.

Татшӧм ногӧн, домен нимлӧн администратор ачыс босытчӧ вӧчны юридической уджсӧ да кӧсйысьӧ лоны йӧзӧс юортанторлы подув кутысьӧн (учредитысьӧн). Буретш сiйӧ йӧзӧс юортанторсӧ пасйӧдiгӧн заявлениеын индӧ изданиелысь шӧр параметргяссӧ – нимсӧ, тематикасӧ, инсӧ, кӧнi кутас сiйӧ петны, да йӧзӧдчан кывсӧ (кывгяссӧ).

Сайтсӧ сетевой изданиеӧн пасйӧм бӧрын подув кутысьлы да редакциялы инмӧны ЙӧОС йылысь оланпасын индӧм инӧдгясыс, моггясыс да корӧмгясыс.

Роскомнадзор пасйӧма 7x7-journal.ru домен нима сайтсӧ «Межрегиональный интернет-журнал "7x7" новости, мнения, блогги» сетевой изданиеӧн. Сiйӧ лоӧ йӧзӧс юортанторйӧн (пасйӧдӧм йылысь 2014 во рака тӧлысь 12 лунся ЭЛ 77 – 57216 ФС №-а эскӧдангижӧд).

«Вектор-7» ичот кывкутана котыр (ИКК), кодї лоö «Межрегиональный интернет-журнал "7x7" новости, мнения, блоги» сетевöй изданиелы подув кутысьöн, сійöс пасйöдгөн йöзöдчан кывйöн индїс сöмын роч кыв.

Колö тöдчöдны, мый ЙЮС пасйöдгөн индöм параметръяссö позьö вежны. Татшöм вежсьöм пыртанногсö гижöма ЙЮС йылысь оланпасын 11 статьяса 1 юкöнас. Сы серти йöзöс юöртанторйын йöзöдчан кывсö (кывъяссö) позьö вежны сöмын сэк, кор лöсялана вежсьöмъяссö пыртöма найöс пасйöдöм йылысь гижöдö.

Оланпаслысь индöм нормасö торкалöмысь АТ РФКо 13.21 статьяса 1 юкөн серти кыскöны административнöй кывкутöмö.

«Межрегиональный интернет-журнал "7x7" новости, мнения, блоги» сетевöй изданиеын абу сöмын коми, но и анлия кывъяс вылын публикацияс йöзöдöмыс торкалö оланпаслысь индöм нормасö. Та вöсна «Вектор-7» ИКК кыскöма административнöй кывкутöмö. Тайö торкалöмсö Вescькöдланін эрдöдїс 2019 вося вöльгым тöлысьö контроль серти планöвöй мероприятие нуöдгөн.

Йöзöс юöртантор пасйöдöм йылысь гижöдö вежсьöмъяссö пыртöм могысь подув кутысьлы колö сетны пасйöдысь органö заявление да колана документъяс сэтшöм жö ногөн, кызди и йöзöс юöртанторсö пасйöдгөн.

Талуныя лунöдз «Вектор-7» ИКК эз сет Роскомнадзорö «Межрегиональный интернет-журнал "7x7" новости, мнения, блоги» сетевöй издание пасйöдан гижöдысь йöзöдчан кыв (кывъяс) вежöм могысь заявление.

Сїдзкö, 2020 во тöвшöр 2 лунö «Кыв тупкöм | Запрет языка» материал коми да роч кывъяс вылын сетевöй изданиелөн сайтын йöзöдöмыс торкис административнöй инöдсö (АТ РФКо 13.21 статьяса 1 юкөн). Содтöд юöртам, мый видлалан публикацияын вайöдöм видзöдласыс абу подулалöма оланпас серти да сэнї абу колана ногөн гөгöрвоöма нормаяссö.

Шыöдчöмын юасинныд, позьö-ö йöзöс юöртан средствоясын йöзöдны коми гижöдъяса изображениеяссö (фотографияяссö) сэк, кор найöс пасйöдгөн коми кывсö абу индöма йöзöдчан кывйöн. Та серти юöртам со мый:

«Коми Республикаса канму кывъяс йылысь» 1992 во ода-кора 28 лунся 76-РЗ №-а Коми Республикаса Оланпаслӧн 23 статья серти Коми Республикаын видзӧны географическӧй объектъяслысь важ нимъяссӧ. Кар-сиктъяслысь, уличаяслысь, изэрдъяслысь нимъяссӧ, туй индӧдъяссӧ гижӧны комиӧн да рочӧн. Сэк, кор объектлӧн эм коми ним, сійӧс гижӧны ӧнія орфография серти, сы бӧрын – сылысь роч кывлы лӧсялан вариантсӧ. Объектлӧн кӧ эм роч ним, сыкӧд тшӧтш гижӧны коми кывлӧн нормаяслы лӧсялысь вариантсӧ. Объектлӧн кӧ эм и коми, и роч ним – кыкнанныс лоӧны официальнойӧн.

Кывъяс йылысь оланпаслӧн 25 статья серти организация нимъяссӧ, официальнойӧй печать, штамп, бланок да объявление текстъяссӧ лӧсьӧдӧны комиӧн да рочӧн. Комиын пошта пыр письмӧ-пӧсылка да мукӧдтор мӧдӧдӧгӧн ыстысьлысь да босьтысьлысь инпасъяссӧ позьӧ гижны республикаса канму кывъяс вылын. Тайӧс колӧ вӧчны федеральнойӧй оланпастэчасӧн урчитӧм ногӧн. Сӧдзкӧ, выльнджык индӧм случайясын йӧзӧс юӧртанторъясын коми гижӧда фотографияс (изображениеяс) йӧзӧдӧмыс оз ло ЙЮС йылысь ӧнія федеральнойӧй оланпастэчас торкалӧмӧн.

Тайӧ вочакывсӧ Тӧ верманныд обжалуйтны Россия Федерацияса оланпастэчас серти».

Юрнуӧдысьлысь удж вӧчысь

Д. Г. Донцова